



Inatsisartuni ilaasortaq Jens B. Frederiksen, Demokraatit  
C/O Inatsisartut Allattoqarfiat  
/Maani

### 2013-imi § 37 naapertorlugu apeqqummut 121-mut akissut

17-01-2014  
Sags nr. 2014-094509  
Dok. nr. 1445571

Ulloq 23. september 2013 apeqqutit uku Naalakkersuisunut apeqqutigivatit:

Postboks 1015  
3900 Nuuk  
Tlf. (+299) 34 50 00  
Fax (+299) 32 50 02  
E-mail: govsec@nanoq.gl  
www.naalakkersuisut.gl

1. Naalakkersuisut isumaqarpat, ileqqorissaarnissaq pissuserissaarnissarlu eqqarsaatigalugit Ineqarnermut, Pinngortitamut Avatangiisinullu Naalakkersuisup Miiti Lyngep uiata aatsitassarsiorsinnaanermut akuersissummik, kisermaassilluni annikitsumik ingerlatsinissamut sumiiffimmi aalajangersimasumi akuersissummik pineqartumik pigisaqarnera akuersaarneqarsinnaanngilluinnartoq?
2. Naalakkersuisut siulittaasuut suli isumaqarnerluni Naalakkersuisunut ilaasortap taassumalu uiata aatsitassarsiorsinnaanermut akuersissummik pigisaqarnerat peqquuserluttuliornerullunilu kammalaatersornerunersoq? Taamaanngippat kissaatigaara isummamik allanngortitsisimaneq itisilerlugu nassuiaateqarfigineqassasoq.
3. Ineqarnermut, Pinngortitamut Avatangiisinullu Naalakkersuisumut Miiti Lyngemut qanoq kinguneqassava, nammineq uiataluunniit aatsitassarsiorsinnaanissamut akuersissut pigisartik tigummiinnarniarlugu aalajangissagaluarpata?

Tunngavilersuut:

Apeqqutit qulaani pineqartut pillugit akissut ulloq 10. juli 2013 tiguara. Akissut uiusumut/nuliaasumut suliamut akuusinnaannginnermut malittarisassat qanoq paasineqarnissaannik nassuiaammik imaqarpoq. Ersarippoq, tamanna apeqqutigingikkiga. Suliamut akuusinnaannginnermut malittarisassat qulaajarnissat kissaatigisimagukku, tamanna nammineerlunga paasiniarsimagukku sukkanerusimassagaluarpoq.

Apeqqutigisara tassaavoq, Naalakkersuisut Siulittaasuata ukiakkut politikerimut illuatungiliuttumut isummani suli aalajangiusimaneraa. Isummani suli aalajangiusimaneraa imaluunniit isuma allanngorsimansoq.

Apeqqutiga Miit Lyngep uiata akuersissummik pigisaqaannarnissaanut imaluunniit pigisaqaannannginnissaanut tunngassuteqanngilaq. Tamatumunnga uiuggiullugu isumaga erseqqarissoq tassaavoq, Miiti Lyngep uiata akuersissut piginnassagaa.

Kisianni taamatut isumaqarneq tassaangilaq, Naalakkersuisut Siulittaasuata siusinnerusukku isumarisimasaa.

Apeqquinnut tunngavilersuutiga siusinnerusukku ima ippoq:

"2010-mi saamisaartoqanngivippoq. Taamanikkut Aleqa Hammond illuatungiliuttunut siuttuovoq, taassumallu taamanikkut Naalakkersuisut Siulittaasuusup, Kuupik Kleistip, aamma taamanikkut Inuussutissarsiornermut Aatsitassanullu Naalakkersuisuusup, Ove-Karl Berthelsenip, aatsitassanik piiasinnaanermut akuersissummik peqarnerat sakkortuumik akerlilersorpaa. Taamani Aleqa Hammond Ritzaus Bureaumut oqarpoq (ulloq 16. oktober 2010), "Kammalaatersornerunersoq imaluunniit peqquserlulluni iluanaarniarnerunersoq assignnginnera, namminneq tusagassiutinut oqarnerat naapertorlugu allanngortinniarlugu oqaatigisimasaat, apeqqutigaara." Demokraatit soqutinartutut isigaat, Aleqa Hammondip taamanikkut oqaatigisani suli aalajangiusimanerai aammalu taamaassappat kingunerisassai suunersut. Tassunga atatillugu maluginiarparput, Qinigaanerup Misilinneqarnissaanut Ataatsimiititaliap Miiti Lynge nalunaarfigisimagaa, aatsitassanik annikitsumik pinnerasaasiassanik piiasinnaanermut allagartani piginnarsinnaanngikkaa. Miiti Lyngep tamatuma kingunerisaanik ataatsimiititaliamut ilisimatitsissutigisimavaa, piiasinnaanermut allagartaq erngerluni utertinniarlugu. Uiatali taamatut aamma iliulersaarnera takuneqarsinnaanngilaq."

Kingusinnerusukku Naalakkersuisut Siulittaasuata KNR-ip radioaviisianut oqarpoq, suliap oqaaseqarfiginissaa kissaatiginagu, apeqqutikka naammattumik akereersimagamigit.

Tamanna eqqunngilluinnarmat, apeqqutikka uteqqissavakka. Maannakkut neriuutigalugu, Naalakkersuisut Siulittaasuata politikikkut isummani pillugu akissuteqassasoq, malittarisassat piusut suunerik nassuiaanerunngitsoq.

---

Apeqquq 1: Naalakkersuisut isumaqanngillat, Naalakkersuisunut ilaasortamut uiusoq/nuliaasoq kisimiilluni aatsitassanik annikitsumik piiasinnaanermut akuersissummik peqarnera immiini torersumik pinissamik eqqarsaatigalugu akuersaarneqarsinnaanngitsoq. Kisianni uiusup/nuliaasup inissisimanagera pissutigalugu imaluunnit inuiaqatigiinni kalaallini inuussutissarsiutaa pillugu allagartamik pissarsinerup nalaani inissimanagera immikkut ittumik eqqumaffiginiassallugu tunngavissaqanngilaq, tamatumunnga ilanngullugu uiusoq/nuliaasoq Naalakkersuisunut Siulittaasuuppat imaluunniit suliassaqarfimmi pineqartumi naalakkersuisuuppat. Piiasinnaanermut akuersissummik pinissap immikkut ittumik eqqumaffiqarnissaanut tunngavissaqassappat imaanngilaq, piiasinnaanermut akuersissummik pissarsineq tassaanngimmat ileqqorluttuliorneq pissutigalugu akuerineqarsinnaanngitsoq.

Apeqquq 2: Siusinnerusukku Naalakkersuisut Siulittaasorisimasaata aamma Inuussutissarsiornermut Aatsitassanullu Naalakkersuisuusimasup nuliaasa

aatsitassamik paaasinnaanermut akuersissutaat pillugut apeqquteqarnikuuvunga. Siusinnerusukkut isumaqarpunga, aammalu sulii taamatut isumaqarlunga, pineqartut naalackersuisunut ilaasortaanerisa nalaanni akuersissutinik pissarsineq immikkut eqqumaffeqarnissamut pissutissaqarnissamut tunngavissaqartoq.

Apeqquut 3: Apeqquummut 2-mut 3-mullu akissutinut innersuussivunga.

Inussiarnersumik inuulluaqqusillunga



Aleqa Hammond